


საქტორის მიმოხილვა

სოფლის მეურნეობის საქტორის 2025 წელი


2025 წლის ივნისში საქართველოს სტატისტიკის ეროვნულმა სამსახურმა გამოაქვეყნა სოფლის მეურნეობის სექტორის შესახებ წლიური პუბლიკაცია „საქართველოს სოფლის მეურნეობა 2024“. ანგარიშის მიხედვით, სოფლის მეურნეობამ, სატყეო მეურნეობამ და თევზჭერამ 2024 წელს მშპ-ის 6.2% შეადგინა – ოდნავ ნაკლები წინა წლებთან შედარებით, თუმცა შეესაბამება ბოლო წლების ზოგად ტენდენციას, რომლის დროსაც სექტორის წილმა საშუალოდ 7-8% შეადგინა. რეალურ რიცხვებში თუ შევხედავთ, 2023 წელთან შედარებით, სოფლის მეურნეობის მშპ 4.4%-ით გაიზარდა. მიუხედავად იმისა, რომ ერთწლიანი კულტურების უმეტესობის წარმოება 2024 წელს ოდნავ შემცირდა, წლიურ ჭრილში მნიშვნელოვანი ზრდა დაფიქსირდა კარტოფილისა (24%) და მარცვლეულის (19%) შემთხვევაში. ღობიოს წარმოებაც ოდნავ, 1%-ით გაიზარდა. სანაცვლოდ, შემცირების ტენდენცია დაფიქსირდა ბოსტნეულის (8%), ერთწლიანი ბალახოვანი კულტურების თივის (6%), ნესვის (4%), მრავალწლიანი ბალახოვანი კულტურების თივის (3%) და მზესუმზირის (1%) წარმოებაში.

სოფლის მეურნეობის წილი მშპ-ში 2019 წლის ფასების გათვალისწინებით (მლნ. ლარი)




წყარო: საქსტატი, 2025

ერთწლიანი კულტურების წარმოება (ათასი ტონა)




მრავალწლიანი კულტურების შემთხვევაში ყველაზე დიდი წლიური ზრდა თესლოვანმა ხილმა (47%) აჩვენა, რომელსაც მოჰყვება ყურძენი (45%). ზრდა დაფიქსირდა კენკროვანი ხილის (29%), ქვადილოვანი ხილის (21%) და თხილის (15%) წარმოებაშიც. სამაგიეროდ, შემცირდა ციტრუსოვანი (23%) და სუბტროპიკული ხილის (8%) წარმოება. მესაქონლეობის სექტორში ხორცის წარმოება 13%-ით გაიზარდა, კვერცხის წარმოება – 3%-ით, ხოლო რძის წარმოება 2%-ით შემცირდა.

მრავალწლოვანი კულტურების წარმოება (ათასი ტონა)




წყარო: საქსტატი, 2025

მეცხოველეობის პროდუქციის წარმოება



აღსანიშნავია, რომ ხორბლის თვითუზრუნველყოფის კოეფიციენტი 2020 წლის 15%-დან 2021-2024 წლებში 22%-მდე გაიზარდა. 2023 წელთან შედარებით, კარტოფილის თვითუზრუნველყოფის კოეფიციენტიც 20 პროცენტული პუნქტით გაიზარდა, სიმინდის შემთხვევაში – 9 პროცენტული პუნქტით. ყველაზე დიდი შემცირება დაფიქსირდა ყურძნის შემთხვევაში, სადაც კოეფიციენტი 64 პროცენტული პუნქტით შემცირდა; თუმცა ის კვლავ 100%-ს აღემატება და რჩება ყველაზე მაღალი ყველა პროდუქტს შორის.

თვითუზრუნველყოფის კოეფიციენტები (%)



წყარო: საქსტატი, 2025


ფასების მიმოხილვა

აღმსილობრივი ფასები


2025 წლის მარტიდან მაისამდე ქვეყანაში ფასები თვითურ ჭრილობი იზრდებოდა. სამომხმარებლო ფასების ინდექსი (CPI) 2025 წლის მარტში თებერვალთან შედარებით 1.1%-ით გაიზარდა. შესაბამისი თვითური ცვლილებები აპრილსა და მაისში შეადგენდა 0.2%-სა და 0.4%-ს.

2025 წლის მარტიდან მაისამდე ქვეყანაში სურსათის ფასების ინდექსით (FPI) განსაზღვრული საკვების და არაალკოჰოლური სასმელების ფასებმა ზრდის ტენდენცია აჩვენა. მარტში სურსათის ფასები წინა თვესთან შედარებით 2.8%-ით გაიზარდა, აპრილში – 0.4%-ით, მაისში – 1.6%-ით.

სამომხმარებლო ფასების ინდექსი წინა თვესთან შედარებით (მარტი 2025 - მაისი 2025)



სურსათის ფასების ინდექსი წინა თვესთან შედარებით (მარტი 2025 - მაისი 2025)




წყარო: საქსტატი, 2025. შენიშვნა: წინა თვის ინდექსის მაჩვენებელი 100 იყო

2025 წლის მარტ-მაისის პერიოდში სამომხმარებლო ფასების ინდექსი (CPI) წლიურ ჭრილში იზრდებოდა. 2025 წლის მარტში CPI 3.5%-ით გაიზარდა 2024 წლის მარტთან შედარებით; აღნიშნული წლიური ცვლილება 2025 წლის აპრილში 3.4% იყო, მაისში – 3.5%.

2025 წლის მაისში სურსათის და არაალკოჰოლური სასმელების ფასების წლიური მაჩვენებელი 8.3%-ით გაიზარდა, რაც CPI-ის ზრდის მთლიანი მაჩვენებლის 2.82 პროცენტულ პუნქტს შეადგენს. ძირითადად, შემდეგ ქვეჯგუფებში შემავალი პროდუქტები გაძვირდა:

სამომხმარებლო ფასებისა და სურსათის ფასების ინდექსების წლიური ცვლილება



ზეთები და ცხიმები (22.5%↑)

ბოსტნეული (17.6%↑)



ყავა, ჩაი და კაკაო (15.4%↑)


უფრო ვრცლად სურსათის ფასებზე: ზეთები და ცხიმები

2025 წლის მაისში ზეთისა და ცხიმის ქვეკატეგორიის სურსათის ფასები კვლავ ზრდის ტენდენციას ავლენდა. მარტში ზეთისა და ცხიმის ფასები 2024 წლის მარტთან შედარებით 16.4%-ით გაიზარდა, ხოლო აპრილში – 18.2%-ით. ზეთისა და ცხიმის ფასების წლიურმა ზრდამ 2025 წლის მაისში 22.5%-ს მიაღწია. საქსტატის მონაცემებით, 2025 წლის მაისში ზეთისა და ცხიმის ქვეკატეგორიის ყველა პროდუქტის ფასი გაიზარდა წინა წლის იმავე თვესთან შედარებით. ყველაზე დიდი ზრდა დაფიქსირდა მზესუმზირის ზეთზე (30.2%), კარაქსა და სპრედზე (15.3%), მარგარინისა (9.1%) და მაიონეზზე (6.6%); ხოლო 2025 წლის მაისის შესაბამისი თვიური ინფლაციის მაჩვენებლები დადებითი იყო ყველა შემოადნიშნული პროდუქტისთვის, გარდა მზესუმზირის ზეთისა.

2025 წელს საქართველოში ზეთისა და ცხიმის ფასების ასეთი ზრდა შეიძლება რამდენიმე ფაქტორმა განაპირობა. იმპორტის საშუალო ფასის 39-პროცენტთან წლიურმა ზრდამ, იმპორტის მოცულობის 8.3-პროცენტთან შემცირებასთან ერთად, ზოგადი ხარჯები გაზარდა. ტრანსპორტირებისა და ტვირთბრუნვის ხარჯებიც გაიზარდა, ნაწილობრივ შავი ზღვის რეგიონში უსაფრთხოების პრობლემების გამო, ხოლო მზარდმა მსოფლიო მოთხოვნამ – განსაკუთრებით ბიოსაწვავის სექტორიდან – კიდევ უფრო გაამკაცრა მიწოდება და გაზარდა საერთაშორისო ფასები. იმის გამო, რომ საქართველო დიდწილად დამოკიდებულია იმპორტირებულ მზესუმზირის ზეთზე, ეს გლობალური და ლოგისტიკური ზეწოლა პირდაპირ აისახა უფრო მაღალ შიდა საცალო ფასებში.

კარაქის, სპრედის, მარგარინისა და მაიონეზის შემთხვევაში, ფასების ზრდა შეიძლება მსგავსი საერთაშორისო და ადგილობრივი დინამიკით აიხსნას. გაზრდილმა მსოფლიო მოთხოვნამ და რძის სექტორში მუშაუდულმა მიწოდებამ ზეწოლა მოახდინა კარაქის ფასებზე, ხოლო მარგარინისა და მაიონეზის ღირებულებაზე გავლენა მოახდინა მცენარეული ზეთების ფასების ზრდამ, რომლებიც ძირითადი ნედლეულია მათ წარმოებაში. ვინაიდან საქართველო ამ პროდუქტების იმპორტზეა დამოკიდებული, ვალუტის კურსის რყევებმა და 2025 წლის დასაწყისში ზოგადად მაღალმა ინფლაციურმა გარემომ კიდევ უფრო გააძლიერა საცალო ფასების ზრდა.

ზეთების და ცხიმების პროდუქტების ფასების წლიური ზრდა (მარტი-მაისი, 2025)




წყარო: საქსტატი, 2025

გვერდი | 3

საერთაშორისო ფასები

2025 წლის მარტისა და მაისის შორის, საერთაშორისო ფასებმა წლიურ ჭრილში ზრდის ტენდენცია აჩვენა. მარტში სურსათისა და სოფლის მეურნეობის ორგანიზაციის (FAO) სურსათის ფასების ინდექსი 7.0%-ით გაიზარდა 2024 წლის მარტთან შედარებით. 2025 წლის აპრილსა და მაისში შესაბამისი სურსათის ფასების ზრდა 7.5%-სა და 5.5%-ს შეადგენდა. ეს ზრდა ძირითადად გამოწვეული იყო ზეთისა და რძის პროდუქტების ფასების ინდექსების მნიშვნელოვანი ზრდით. წინა წლის იმავე თვეებთან შედარებით, ზეთის ფასების ინდექსი მარტში 23.9%-ით გაიზარდა, აპრილში – 20.7%-ით, მაისში – 19.1%-ით. რძის პროდუქტების ფასების ინდექსის შემთხვევაში ზრდა მარტში 19.9% იყო, აპრილში – 22.6%, მაისში კი – 21.7%. მცენარეული ზეთის ფასების ზრდა ძირითადად გამოწვეული იყო მუდმივი მაღალი მოთხოვნითა და შეზღუდული მიწოდების დინამიკით. რძის პროდუქტების ფასების ზრდა ძირითადად გამოწვეული იყო აზიიდან ძლიერი მოთხოვნით, განსაკუთრებით კარაქზე, რომელიც ისტორიულად მაღალ დონეზე რჩებოდა.

საერთაშორისო ფასების წლიური ცვლილება
(მარტი 2025 - მაისი 2025)




წყარო: FAO, 2025

ვაჭრობის მიმოხილვა


საქართველოს მთლიანმა ექსპორტმა 2025 წლის იანვარ-მაისში 2,594 მლნ. აშშ დოლარი შეადგინა, რაც მკვეთრი გაუმჯობესება და მნიშვნელოვანი 14.5%-იან ზრდაა გასული წლის იმავე პერიოდთან შედარებით (2,265 მლნ. აშშ დოლარი). აგრო ექსპორტის შემთხვევაში ზრდა უფრო ზომიერია, 4.9% – 2024 წლის 617 მლნ. აშშ დოლარიდან 2025 წელს 647 მლნ. დოლარამდე. სოფლის მეურნეობის ექსპორტის წილი მთლიან ექსპორტშიც შემცირდა 27%-დან 25%-მდე.

საქართველოს მთლიანი ექსპორტის მსგავსად, საქართველოს მთლიანი იმპორტი გაიზარდა 16.4%-ით, 2024 წლის იანვარ-მაისის 6,378 მლნ. აშშ დოლარიდან 2025 წლის შესაბამისი პერიოდის 7,424 მლნ. აშშ დოლარამდე. აგრო იმპორტი 2024 წლის 846 მლნ. აშშ დოლარიდან 2025 წლის 972 მლნ. აშშ დოლარამდე გაიზარდა, რაც 14.9%-იან ზრდას წარმოადგენს და აღემატება აგრო ექსპორტის მაჩვენებელს. აგრო იმპორტის წილი მთლიან იმპორტშიც იგივე დარჩა და 13% შეადგინა.

მთლიანი და აგრო ექსპორტი (მლნ. აშშ დოლარი)



მთლიანი და აგრო იმპორტი (მლნ. აშშ დოლარი)




წყარო: საქსტატი, 2025

გვერდი | 4

ტრადიციულად, სოფლის მეურნეობის ორი უმსხვილესი საექსპორტო საქონელი იყო სპირტიანი სასმელები და ახალი ყურძნისგან დამზადებული ღვინო. 2025 წლის იანვარ-მაისში სპირტიანი სასმელების ექსპორტმა 98.3 მლნ. აშშ დოლარი შეადგინა სოფლის მეურნეობის მთლიან ექსპორტში 15.2%-იანი წილით, ახალი ყურძნისგან დამზადებული ღვინოს ექსპორტმა კი – 97.8 მლნ. აშშ დოლარი სოფლის მეურნეობის მთლიან ექსპორტში 15.1%-იანი წილით. მინერალური წყლების ექსპორტმა 73.7 მლნ. აშშ დოლარი შეადგინა 11.4%-იანი წილით. შაქრის შემცველი წყლების ექსპორტმა 63.2 მლნ. აშშ დოლარი შეადგინა 9.8%-იანი წილით, ხოლო თხილისა და სხვა კაკლოვანი ხილის ექსპორტმა მიაღწია 46.9 მლნ. აშშ დოლარს მიაღწია 7.2%-იანი წილით.

ტოპ 5 საექსპორტო აგრო პროდუქტი იანვარი-მაისი 2025 (მლნ. აშშ დოლარი)



წყარო: საქსტატი, 2025

შენიშვნა: ექსპორტირებული და იმპორტირებული სასოფლო-სამეურნეო პროდუქტები მოიცავს სურსათს

ISET-ის კვლევითი ინსტიტუტი

[სოფლისა და სოფლის განვითარების პოლიტიკა](#)

ავტორები: ელენე სეთურიძე elene.seturidze@iset.ge

გიორგი შავრეშიანი giorgi.shavreshiani@iset.ge